



BOSNIA AND HERZEGOVINA MINE ACTION CENTRE

Broj: JN1/03-50-5-43/19
Sarajevo, 16.10.2019. godine

Na osnovu tačke IV stav.1 Odluke o osnivanju Centra za uklanjanje mina u Bosni i Hercegovini («Službeni glasnik BiH» br. 15/02 i 44/16), člana 61.stav (2) i 101. stav (2) Zakona o upravi («Službeni glasnik BiH» br. 32/02, 102/09 i 72/17) i na osnovu člana 70. st. (1), (4) i (6) Zakona o javnim nabavkama («Službeni glasnik BiH», broj 39/14), na preporuku Komisije za javne nabavke (u daljem tekstu: Komisija) broj: JN1/03-50-5-43/19 od 30.09.2019. godine, direktor Centra za uklanjanje mina u Bosni i Hercegovini- BHMACE (u daljem tekstu: Ugovorni organ), donosi:

ODLUKU
o poništenju postupka javne nabavke goriva

Lot 3-Distrikt Brčko

Član 1.

(Predmet odluke)

Prihvata se preporuka Komisije broj: JN1/03-50-5-43/19 od 30.09.2019. godine i poništava postupak javne nabavke za **Lot 3-** Distrikt Brčko s obzirom da u određenom krajnjem roku nije dostavljena nijedna ponuda, u skladu sa članom 69. stav 2. tačka a) Zakona o javnim nabavkama.

Član 2.

(Objava odluke)

Ova Odluka objavit će se na web-stranici BHMACE-a, www.bhmac.org, shodno članu 70. stav (6) Zakona o javnim nabavkama.

Član 3.

(Stupanje na snagu)

Ova odluka stupa na snagu danom donošenja.

OBRAZLOŽENJE:

Postupak javne nabavke pokrenut je Odlukom o pokretanju postupka javne nabavke goriva za potrebe Centra za uklanjanje mina u BiH/BHMACE broj: JN1/03-50-5-43/19 od 31.07.2019. godine. Postupak javne nabavke je sproveden putem otvorenog postupka uz zaključivanje okvirnog sporazuma u trajanju od 24 mjeseca i isti je podijeljen na tri lot-a i to Lot1 (Federacija BiH)-Sarajevo, Travnik, Bihać, Mostar i Tuzla, Lot 2 (Republika Srpska)-Banja Luka i Pale i Lot 3 (Distrikt Brčko)-Brčko. Procijenjena ukupna vrijednost nabavke iznosi 230.769,23 KM bez PDV-a odnosno 270.000,00 KM sa PDV-om. Procijenjena vrijednost nabavke za Lot 3 iznosi 11.760,67 KM bez PDV-a.

Obavještenje o nabavci je objavljeno na Portalu javnih nabavki broj: 1407-1-1-42-3-12/19 od 05.09.2019. godine u 8:21 sati.

Rješenjem broj JN1/03-50-5-43/19 od 10.09.2019. godine imenovana je Komisija za provođenje postupka javne nabavke goriva za potrebe Centra za uklanjanje mina u BiH/BHMACE (DIZEL



BAS EN 590 (10 ppm) i benzin BMB 95 BAS EN 228 za potrebe Centra za uklanjanje mina u BiH-BHMAC).

Krajnji rok za dostavljanje ponuda je bio 25.09.2019. godine u 11:00 sati, a javno otvaranje ponuda je izvršeno istog dana u prostorijama Centra za uklanjanje mina u BiH, sa početkom u 11:30 sati što je konstatovano Zapisnikom sa otvaranja ponuda broj: JN1/03-50-5-43/19 od 25.09.2019.godine, a u istom je utvrđeno da za lot 3- Distrikt Brčko nije dostavljena nijedna ponuda u roku koji je predviđen tenderskom dokumentacijom.

Dostavljanje Zapisnika sa otvaranja ponuda izvršeno je prema učesnicima postupka nabavke u zakonskom roku.

Cijeneći navedeno činjenično stanje, komisija za provođenje predmetnog postupka javne nabavke je konstatovala da postoje uslovi za poništavanje postupka javne nabavke u skladu sa članom 69. stav 2. tačka a) Zakona o javnim o nabavkama.

Komisija za javnu nabavku je direktoru dostavila Izvještaj o ocjeni ponuda broj: JN1/03-50-5-43/19 od 30.09.2019. godine s preporukom o poništenju postupka nabavke za Lot 3- Distrikt Brčko.

Direktor u provedenom postupku ocjene ponuda nije našao nepravilnosti ni propuste u radu komisije, te je odluka o poništenju donesena u skladu sa Zakonom o javnim nabavkama i podzakonskim aktima.

Shodno navedenom, a u skladu sa članom 69. stav 2. tačka a) Zakona, odlučeno je kao u članu 1. ove Odluke.

POUKA O PRAVNOM LIJEKU:

Pouka o pravnom lijeku: Protiv ove Odluke može se izjaviti žalba Ugovornom organu, najkasnije u roku od 10 (deset) dana od dana prijema ove Odluke. Žalba se podnosi u dovoljnom broju primjeraka, a koji ne može biti manji od tri.

Direktor
Saša Obradović

